

# 關愛的故事



## 唔好輸頭「家」

我叫阿強，十年前喺大陸娶咗個老婆，得閒就上吓去探佢，本來兩夫妻相安無事。我喺香港鐘意買吓馬、賭吓波消遣吓，五年前佢擺到單程証落嚟香港同我住，啲麻煩就嚟喇，我逢親有賽馬同球賽都好唔得閒，佢就成日窒頭窒勢，叫我唔好賭，鬧佢兩句先至收聲。

點知係兩年前，我失業之後，一直都搵唔到工做，心情好唔好，成日都好「搵掙」，除咗賭之外，仲鐘意飲酒，輸乾輸淨，就問老婆擺錢，佢都有時出去做幾個鐘兼職幫補吓嘍，唔俾咪鬧到俾為止。有一次，心情唔靚，見個女做功課唔專心，火都嚟埋，咪隨手擺起個煙灰缸掙佢，好在我老婆用個身擋住，如果唔係，個女肯定穿頭，我後來先至知驚。我老婆好踎咁同我講，如果我敢再郁手打個女，佢一定會報警。唔打咪唔打囉，唔打得，咪用粗口鬧佢咁囉。由於我成日對個女講粗口，個女都驚咗我，唔敢行埋我度。

有一晚，我又飲大咗番屋企。我因為賭錢輸晒，就嘈喧巴閉，亂發脾氣，老婆同我嘈起上嚟，我一時火遮眼，拗起張橈掙佢，佢同個女喱埋喺間房度，第二朝等我出咗去先敢出嚟。有位好心嘅鄰居知道我屋企嘅事，過嚟表示關心，仲帶埋我老婆去附近嘅綜合家庭服務中心向社工求助。

我老婆同我講，話因為想維繫呢段婚姻，先至一直啞忍我對佢嘅暴力對待，希望我懸崖勒馬，快啲搵專業輔導，戒甩賭癮，從新做人。我都諗過，成日咁輸錢火起、飲酒鬧事都唔係辦法，遲早攞到家散人亡。我跟我老婆去綜合家庭服務中心搵社工求助，佢轉介咗我參加問題賭博輔導服務計劃，而家參加咗賭博治療小組，希望可以戒咗鋪癮，有番個家！

(624 字)